

Formannafundur Vestra í dag, þriðjudaginn 1. september 2020 kl 17:00 í íþróttahúsinu á Torfnesi, 2. hæð.

Mættir voru: Úr aðalstjórn Vestra: Guðfinna Hreiðarsdóttir formaður, Guðni Guðnason gjaldkeri, Sólrún Geirsdóttir ritari og Jóna Lind Kristjánsdóttir. Fulltrúar knattspyrnudeildar: Svavar Þór Guðmundsson formaður og Tinna Hrund Hlynsdóttir formaður yngri flokka. Frá körfuknattleiksdeild: Ingólfur Þorleifsson formaður og Dagný Finnbjörnsdóttir fyrir yngri flokka. Frá blakdeild: Sigurður Jón Hreinsson formaður.

Dagskrá fundar:

1. Samráðsvettvangur og viðburðadagatal:

Stofnaður hefur verið hópur á facebook: „Vestri íþróttafélag – Samráðsvettvangur“. Þetta er nauðsynlegur vettvangur fyrir deildir til að tala saman án milligöngu HSV. Viðburðadagatal er í vinnslu og verður vonandi komið fljótlega á síðuna. Boðleiðir eru oft alltof langar og það hefur vantað vettvang fyrir Vestrafólk í hinum ýmsu deildum til að tala saman og deila upplýsingum. Formenn deilda sjá um að bjóða í hópinn þeim sem þar þurfa að vera.

2. Fjármál deilda:

Fjárhagsstaðan er erfið hjá flestum deildum vegna Covid. Flestar fjáraflanir hafa fallið niður. Á dögnum fóru formaður, gjaldkeri og formaður körfuknattleiksdeildar á fund bæjarráðs og ræddu þessa stöðu. Væntingar eru um að bærinn muni reyna að styrka íþróttafélögin á svæðinu til að koma til móts við þetta tekjutap. Það á eftir að koma í ljós hvernig útfærslan verður, í gegnum HSV eða ekki. Rætt almennt um fjáraflanir, einkum hjá yngri flokkum. Spurning um að breyta fjáröflunum í netsölu en skiptar skoðanir um ágæti þess. Deildirnar þurfa að finna skynsamlega útfærslu á þessu. Í sumar var í fyrsta sinn innheimt félagsgjald Vestra. Um 220 manns hafa greitt það – en um 700 hafa ekki greitt. Ekki margir sem hafa óskað eftir því að verða skráðir úr félaginu. Það er ekki skynsamlegt að henda þeim út sem ekki borga þar sem það bitnar á öðrum tekjuliðum sem miðast við félagatal. Minnt á að samkvæmt lögum félagsins þurfa deildir að skila inn fjárhagsáætlunum fyrir 15. nóvember.

3. Leiguíbúðir:

Formaður Vestra fékk erindi frá HSV um að félagið skuldaði 1. m.kr vegna leigu á íbúðarhúsnæði 2019 en 4 m.kr. hafa þegar verið greiddar. Tillaga frá HSV um að verkefnastyrkir renni upp í þessa skuld. Fimm íbúðir skv. HSV samningi – en umframíbúðir (líklega fjórar) skapa þessa skuld. Samstarfssamningur 2020-2021 gerir ráð fyrir að íbúðarstyrkurinn sé 11,8 m.kr. sem er að meðaltali 197.000 kr per íbúð á mánuði. Fundarmenn töldu að þetta hlyti að vera yfir markaðsverði, sérstaklega í ljósi þess að færstar þessara íbúða eru í toppstandi. Endurskoðun samstarfssamnings er byrjuð hjá HSV og samdóma álit fundarmanna að þetta þurfi að skoða vel í þeirri vinnu. Þetta mál var nefnt á fundinum með bæjarráði og segir formaður að reynt verði að semja um að leiguskuldin verði felld niður eða amk lækkuð. Ef það gangi ekki þá sé fátt annað í stöðunni en að láta verkefnastyrkinn ganga upp í skuldina.

4. **Vallarhúsið (framkvæmdir, umgengni og þrif):**

Uppbyggingarsamningur er í gangi og yfirstandi verkþáttur langt kominn. Það er búið að leggja rafmagnslagnir og gera ráð fyrir þremur ljósalínnum en eftir að setja upp ljós. Fundarmenn voru sammála um að til að salurinn nýtist fyrir fjölbreytta starfsemi og útleigu þá þyrfti að vera hægt að stjórna lýsingunni. Það er kostnaðarsamara en óhjákvæmilegt. Málið í vinnslu í samráði við Pólinn sem sá um lagnavinnunna. Lítið að fréttu af glerlausu hurðinni en málið í vinnslu.

Umgengni og þrif. Rætt um slæma umgengni uppi og niðri. Salurinn er á vegum Vestra sem ber að sjá til þess að þar sé snyrtilegt og hreint. Neðri hæðin heyrir undir íþróttamannvirki Ísafjarðarbæjar og starfmenn þar eiga sjá um þrif á búningasklefum og öðru rými. Formaður benti á nauðsyn þess að koma fyrirkomulagi þrifa á efri hæð í fast horf því ekki væri hægt að ætlast til eða treysta á að sjálfboðaliðar deilda sæju um þetta, flestir hefðu nóg á sinni könnu nú þegar. Talið ráðlegt að kaupa þrif og spurning um að finna manneskju sem væri tilbúin að taka það að sér. Þörfin mest frá vori fram á haust en lítil yfir veturinn. Setja þarf umgengnisreglur á áberandi stað.

5. **Íþróttaskólinn og styrktarþjálfun HSV:**

Á síðasta formannafundi kom fram að háskólanemar í HR ætluðu að gera úttekt á íþróttaskólanum. Einhverjar fréttir eru af því að þeirri vinnu sé lokið en engin kynning hefur farið fram á niðurstöðunum. Rætt um styrktarþjálfunina og hvernig hún nýtist iðkendum. Þarf að skoða með tilliti til vinnu við nýjan samstarfssamning.

6. **Jafnréttisstefna og siðareglur:**

Þýðingu og uppsetningu lokið og finna má skjölin undir „skrár“ á síðu Vestra. Þarf að gera sýnilegra og kynna fyrir öllum félagsmönnum, t.d. með því að deila inn á alla flokka og jafnvel láta prenta stór spjöld til að setja upp í íþróttamannvirkjum. Gera sýnilegra á vefsíðu félagsins. Formaður mun setja hlekk á skjölin inn á samráðsgáttina og mælist til að fundarmenni skoði þau og komi með tillögur um kynningu.

7. **Covid-sóttvarnarreglur og áhrif þeirra á starfið:**

Sóttvarnarreglur gera framkvæmd hvers leiks flóknari og tímafrekari. Til að geta framfylgt sóttvarnarreglum þarf meistaraflokkur knattspyrnudeildar að nýta búningaöstöðu í íþróttahúsinu á Torfnesi. Tímabilið hefur lengst og er síðasti leikur í knattspyrnunni 17. október. Fyrirfram ljóst að þetta gæti valdið árekstrum við starf annarra deilda og nú er ljóst að heimaleikur meistaraflokks laugardaginn 26. sept. kl. 14 rekst á stórt fjölliðamót (minnibolti) í körfubolta sömu helgi. Formaður telur brýnt að deildirnar vinni saman að lausn málsins og voru ræddar ýmsar leiðir til að láta báða viðburði ganga upp, t.d. að stúka af hluta íþróttahússins í 4 klst, nýta önnur rými í húsinu sem búningasklefa, sturtuaðstaða í sundlaug, seinka leiknum um eina klukkustund o.fl. Gott að tækla málið tímanlega og vera undirbúin fyrir fleiri svona tilvik. Hætt við að þetta verði erfitt í vetur og búast má við fleiri árekstrum en vanalega, það eru hins vegar allir í sömu sporum og nauðsynlegt að við þessar aðstæður sýni menn hver öðrum skilning og vinni saman.

8. **Verkefnasamningar**

Formaður hvatti formenn deilda til að yfirfara verkefnasamninga áður en gengið verður frá nýjum samstarfssamningi. Í einhverjum tilfellum er þörf á að skilgreining

verkefna sé ýtarlegri og skýrari til að koma í veg fyrir ágreining. Nefndi formaður sérstaklega í þessu sambandi verkefnasamning knattspyrnudeildarinnar og gerði Svavar, formaður knattspyrnudeildarinnar, grein fyrir því hvernig þessu hefði háttað í sumar. Knattspyrnumenn komu með tillögur í vor um að taka alfarið að sér reksturinn á knattspyrnuvellinum en bærinn hafnaði þeim (fannst það of dýrt). Deildin þarf að nota veturinn til að fara yfir þetta mál, gera greinagerð um það sem aflaga fór og tillögur um hvernig er hægt að gera betur til að koma í veg fyrir að ástandið endurtaki sig næsta sumar. Vandamál vegna girðingar á körfuboltavellinum er væntanlega að leysast og aðeins beðið eftir að starfsmenn hjá áhaldahúsi bæjarins komi til að færa núverandi girðingu.

9. Önnur mál:

Rætt um stöðuna á fyrirhugaðri byggingu knattshúss en ljóst að lítið mun gerast í því máli fyrr en næsta vor líklega. Sama er að segja um endurbætur á anddyri íþróttahússins á Torfnesi, lítið að fréttu þar. Að lokum nefndi formaður að það þyrfti að finna einhvern til að semja gott og grípandi stuðningslag fyrir félagið.

Fleira ekki rætt. Fundi slitið um kl. 19.

Fundarritari: Sólrún Geirsdóttir.